


Thaydwan 13



Dinhmung Akhat

Jisu rui Tigaylou e

Baibal Pary

Jisu rui Tigaylou e, twmei dinhmei pary sinsw o

Jisu rui
Tigaylou e

Gaychamv Parybuk Charuk. Kasap 2-15. *Jisu rui Tigaylou e.*

Mi pary hei alauc nunc lev drama sw o. 'Jisu rui Tigaylou e' twmei drama aniw sw puni twna alauc nunc khou dincloou o.

Gaychamv Parybuk Charuk tuang kasap 2-15 tei kamaengc guay tei lyanna alauc nunc khou paclou o.

Mi pary lam khou alauc nunc khou lat thanv o. Alauc akhat rui dawna nchumh mak e thei, gay e tiki ai thanvmei thu mi khang ramh e twna katiulou o. Alauc akhat rui daw nchumh e thei, nchumh the! Daw chuy the! twna katiulou o. Gaanv khat rui daw nchumhlou mak saanv thanv dat dat o.

Nang thanv nuhmei latthanv mi khou hei nai e.

Nkhavlou khang Jairas thou khou pak tat to? Jisu khou.

'Kata kahlou ti thei kamei gay dat puni de' twna Jairas rui thow khou sa bo? Jisu khou.

'Kata kahlou ti thei kamei ringc dat puni de' twna Jairas rui thow khou sa bo? Jisu khou.

'Jisu rui kahlou guai khou rui ata tigaylou the' twna thow rui sa bo? Meic pui rui.

Nnauna theihmei tunapui launa khou tei Jisu tabui lat sa bo?


Tuna launa, thau tho!

Theihmei tuna launa khou tei Jisu rui salou pw khou tabui sw bo?

Kamei ringc dat the!


Zinghmei ta thui ganh khang thow khou ngamv nai bo? Jisu khou.

Thaydwan 13



Action Lu

Jisu rui Tigaylou e, twmei dinhmei action lu sinsw o



Hallelu, hallelu, hallelu, halleluia. Jisu rui tigaylou e!
Jisu rui tigaylou e, halleluia, Jisu rui tigaylou e, halleluia,
Jisu rui tigaylou e, halleluia, Jisu rui tigaylou e!

Hallelu, hallelu, hallelu, halleluia. Jisu rui nzian e!
Jisu rui nzian e, halleluia, Jisu rui nzian e, halleluia,
Jisu rui nzian e, halleluia, Jisu rui nzian e,

Hallelu, hallelu, hallelu, halleluia... Jisu rui tigaylou e!
Jisu rui tigaylou e, halleluia, Jisu rui tigaylou e, halleluia,
Jisu rui tigaylou e, halleluia, Jisu rui tigaylou e!

Object Lesson

Jisu rui Tigaylou e, twmei dinhmei object lesson sinsw o

Nang ta nkhlavou khang alauc akhat ta kaw o. Mi nac tei hu khou patna alauc guay biak hu karihna nang hu khou ding khang sa o. Mi nac tei thei biak bow keyna nang (tadin) rui how khang sa o.

Mi nac ta tei kouc tang pw khou, kamei nang ta thay e khatni lwm e twna dinclo o. Nang rui kata how puni de twmei kamei thay e khatni lwm e. Mi hei pary khou Jairas khatni meic pui tei kumh tuang e. Kaney Jisu ta thay e khatni lwm e. Jisu rui tigaylou ngam e twmei kaney lwm e.

Sa ndauhpatmei: Damhpouc Ravguangc rui nang ta akumhna tigaylou cho twmei alauc nunc khou raclou o. Ramh e thei thow kumhmei nnauna Jisu khou huayney pw khou tigayloumei pary raclou o. Damhpouc Ravguangc rui kaniw ta tigayloumei pary guang raclou khang sa o.

Baibal Ningtow Chyam Tuang Talicmei

Jisu rui Tigaylou e, twmei dinhmei Baibal chyam sinsw o

Luk 6:19 'Kumna meic guayna kata kahi khang karamc bam khwan e, kalam thu kakhou rui pumtan patna kaniw guay ta tigaylou khwan e.'

Jisu rui
Tigaylou e

Thaydwan 13

Jisu rui Tigaylou e

Latkaeng akhyammei mak e

Alauc nunc ta kakang kanei ti pat o. Kaniw tuang kapy akhat kapah khang sa o. Reymeikang tuang kapy tei pat o. Kakhoutei Baibal ningtow chyam tuang reymeikang, 'meik guayna kata (Jisu ta) kahi khang karamc bam khwan e' twemei tei dinclo o. Alauc baihmei ta ti chu rio. Lat sa makna mi Baibal ningtow chyam tei drama rui lyan khang sa o. Reymeikang tuang alauc nunc tei rui mi sw bammei tei dinc pat kan diu.

Nkhwan kanakna kaniw dinc pat ngam mak e thei, kaneimeikang rui dinc pat khang karamh khang sa o. Kaneimeikang tei ni dinc pat ngam mak e thei, thay pat nuhmei mun dinclo o.

Nang rui mi tei kaniw khang dincloumei tangv, ramh e thei kaniw rui dinc patmei tangv, kaneimeikang tuang kapy ta tei hu khou kaw pat o. Kaneimeikang tuang kapy khou tei Baibal ningtow chyam tuang kaneimeikang, 'kalam thu kakhoutei (Jisu) rui pumtan patna' twemei lat hei suaina dinclo o. Baihmei alauc guay ta ti chu rio. Lat sa makna mi Baibal ningtow chyam tei drama rui lyan khang kata sa o. Kaneimeikang alauc nunc rui mi lat tei dinc pat khang sa o.

Nkhwan kanakna kaniw dinc pat ngam mak e thei, reymeikang khang tei tii dat o. Reymeikang tei ni dinc pat ngam mak e thei, thay pat nuhmei mun dinclo o.

Nang rui mi tei kaniw khang dincloumei tangv, ramh e thei kaniw rui dinc patmei tangv, Baibal ningtow chyam tuang nkhamhmeikang, 'kaniw guay ta Jisu rui ti gaylou khwan e' twemei alauc guayna khou dinclo o.

Baibal ningtow chyam kaguayna tei sa khang alauc nunc ta sa o.

Laalouna Piu Nimei


Jisu rui Tigaylou e, twemei dinhmei laalouna piu nimei sinsw o

Thow kumhmei nnauna Jisu rui tigayloumei ta laa niimeinai boh twna alauc nunc khou thanv o.

Nnau bammei alauc nunc kaniw ta Jisu rui tigaylou khang huayneyloumei ta laa niimeinai bu ny thanv o. Nnaumei akhat khat khang huayney khang alauc nunc ta sa o, Ravguangc Bumaengc rui alauc nunc khatni nang ta huayney khang zaylou kan diu.

Huayneymei: Jisu zanc khou thuanckuna khatni thuanca luailou o.

Thaydwan 14



Dinhmung Akhat

Jisu rui Nang ta Tiduaklou e!

Jisu rui
Nang ta
Tiduaklou e!

Baibal Pary

Jisu rui Nang ta Tiduaklou e, twmei dinhmei pary sinsw o!

Gaychamv Parybuk Charuk. Kasap 16-21. *Ai Duak the.*

Taanhmei naa: Blackboard lev chalk, ramh e thei mbut khatni hy nimei tang, ramh e thei chepaek khatni pensil. Alauc nunc khang ramhmaengc hyme paek ramh e thei chepaek, pensil khatni eraser kage nai puni.

Pary maengc tei hyna rac o. Kasap akhat pac luaimei kathuic alauc nunc khoulat thanv o.

1, 2, 3 pary kahouh tho...

Tingmik baihmei, kaganv baihmei, kabamv baihmei. Jisu khatni kathei laymei nunc tei duiriang akhat kaan bammei ta ai how ngam e. Guak pang duiriang daeng khoulat ding bammei ta ai how ngam e.

Mi khoulat tei nggaanvmei akhat ta ai how ngam e. Mi pu tei kakhoulat simeibumaengc mpeyna nai khwan e. Mi pu khoulat bammei simeibumaengc nunc khoulat tei Jisu rui hei kumcna sa bammei ai chu ngam e, 'Mi pu khoulat rui pat tho kumcna duiriang daeng khoulat ding bammei guak pang khoulat tei tat tho.'


Simeibumaengc mpeyna tei mi pu khoulat tei rui pat lana duiriang daeng khoulat ding bammei guak pang khoulat tei gut mei ta ai how ngam e. Guak pang tei duiriang khoulat pak gut kanmei ta ai how ngam e. Guak guay tei theih ngam the.

Mi pu tei Jisu khang lu suan bammei ta ai how ngam e. Jisu rui mi pu khoulat tei hei kumcna sa bammei ai chu ngam e, 'Tatlana meiguayna khoulat Damhpouc Ravguangc rui nang khang tabui taanh lou cho twmei dinh tho.'



Mi pui tei rui meiguayna khoulat hei kumcna sa bammei ai chu ngam e, 'Jisu rui simeibumaengc nunc ta akhoulat rui pat tho twna sa khwan the. Simeibumaengc guayna akhoulat rui tat pat khwan the. Jisu rui ata riclou the.'

Jisu hei mbaanv tuang gaanhmei e. Jisu khoulat na zinghmei ta thui ganh khang ngamv nai e. Damhpouc Ravguangc mi bamv khoulat hei bam me!

Pary maengc tei hy khang alauc nunc ta sa o.



Thaydwan 14



Jisu rui
Nang ta
Tiduaklou e!

Action Lu

Jisu rui Nang ta Tiduaklou e, twmei dinhmei action lu sinsw o!

Jisu zanc khou rui na, Jisu zanc khou rui na
Aniw rih ngam the! Halleluiah!

Jisu zanc khou ruin a, Jisu zanc khou rui na
Ravsic guay pak tat kan puni! Halleluiah!

Ngammei Jisu zanc khou rui na
Aniwc rih ngam the! Halleluiah!

Object Lesson

Jisu rui Nang ta Tiduaklou e, twmei dinhmei object lesson sinsw o

Taanhmei naa: Riang. Mik duammei pheyy.

Nang ta nkhav khang alauc gaanv nei ta kaw o. Gaanv khat (mi nac ta souc o) rui Jisu thiak sw puni khatni baih akhat rui (mi nac ta souc o) kakhau simeibumaengc mpeyna naimeipu thiak sw puni.

Simeibumaengc mpeyna naimeipu thiak swmei ta tei karak o khatni kamik duam o. Kaniw khou simeibumaengc naimeinunc tei mi kumhmei tuang e, kaniw ta karaklou e kumna zinghmei khou maan bam e twna dinclo o.

Jisu thiak swmeipu tei rui simeibumaengc gutmei thiak swmeipu ta tei kamik duamloumei tei riclouna riang tei ni riclou o.

Ric patloumeipu tei neihla hakna, Jisu ta thuanca kachuamh o twna sa o.

Jisu rui tiduakloumei kiu mi hei kumhmei e twna dinclo o. Jisu hei mbaanv khang gaanhmei e. Jisu na rui zinghmei ta thui ganc ngam e.

Thaydwan 14

Baibal Ningtow Chyam Tuang Talicmei

Jisu rui Nang ta Tiduaklou e, twmei dinhmei Baibal chyam sinsw o

John 8:36 'Kanaç Mpouh hei rui nang niw ta tiduaklou e thei, nang niw duak changh puni.'

Picture Word Puzzle: Chepaek akhat khou, 'Kanaç Mpouh hei rui', baihmei chepaek akhat khou, 'nang niw ta tiduaklou e thei', chepaek baihmei akhat khou Jisu theihchouc khou thaengc bammei maengc, chepaek baihmei khou "nang ta ti duaklou e" tumei hy o, biahmei chepaek khou karaklou bammeipu ta Jisu rui ric bammei maengc, chepaek baihmei akhat khou, 'nang niw duak changh puni', baihmei chepaek akhat khou duak bammeipu maengc hylou o.

Alauc nunc guang mak khou mi chepaek guay tei kabamv baih baih khou rylou o.

Kaniw phu pat khang chamv gaymei nai e twna alauc nunc khou sa o. Mi bamv (kainung, kai, church, namv) khou kabamv baih baih khou chamv hyloumei chepaek 6 rylou kan e twna sa o.

1, 2, 3 ryloumei chamv chepaek kiu phu tho...



Alauc nunc mi chepaek 6 tei phu pat pw khou, mi lat nunc tei kamaengc lwan nchamcna duanc kariulou khang sa o. Alauc nunc tei pac thay mak e thei kamaengc pang ta soucna latkaeng pang tei sa o. latkeang/kamaengc nunc tei kalwan nchumhna lou khang sa o khatni Baibal ningtow chyam tei kaniw thay mak saanv kauc ranvna kaluaih kaluaihna ti sa o.

Laalouna Piu Nimeï

Jisu rui Nang ta Tiduaklou e, twmei dinhmei laalouna piu nimeï sinsw o

Jisu rui zinghmei thui ganclouna aniu ta simeï guay khou rui tiduaklou e. Jisu rui aniu panty khou rui zinghmei ta thui ganclou e. Aniu ta nymna sin nimeï simeï kaguayna ta Jisu rui laa ganclou e. Jisu rui aniu ta ti duaklou e!

Huayneymeï: Simeï kaguayna khou rui Jisu rui kaniw ta tiduakloumei khang thuanckumei tuang kalum nimeï gaanv khat gaanv nei nai bu ny thanv o.



Jisu rui
Nang ta
Tiduaklou e!